

Til elevar og føresette

Tid for vaksinasjon mot difteri, stivkrampe, kikhoste og polio (dtp-IPV-vaksine)

I det nasjonale vaksinasjonsprogrammet får elevar i 10. klasse (15–16 år) tilbod om ein oppfriskingsdose av vaksine mot difteri, stivkrampe, kikhoste og polio. I vaksinasjonsprogrammet gir ein tre dosar med slik vaksine i løpet av det første leveåret til barnet og ein oppfriskingsdose i 2. klasse. For å sikre godt vern på lang sikt gir ein no tilbod om ein ny oppfriskingsdose.

Om sjukdomane

Difteri er ein akutt infeksjon i øvre luftvegar som skuldast difteribakteriar. Bakteriane dannar giftstoff som gir stor heving i slimhinnene i halsen slik at det blir vanskeleg å puste. Giftstoffa kan også gå til åtak på hjarte-, nyre- og nervevev. Sjukdomen kan vere dødeleg, og finst i delar av Europa og i andre verdsdela

Stivkrampe (tetanus) skuldast ein bakterie som kan finnast i jordsmonn. Bakterien dannar giftstoff som går til åtak på nervesystemet og gir muskelstivleik og smertefulle krampar. Smitte kan skje når bakterien kjem i kontakt med sår. Sjukdomen har høg dødelegheit, men smittar ikkje frå person til person. Stivkrampe er sjeldnare i Norden enn i varmare strok.

Kikhoste (pertussis) er ein luftvegsinfeksjon med langvarige (6–12 veker) og kraftige hosteanfall. Kikhoste kan føre til pustestans hos spedbarn og små barn, hjernebetennelse med påfølgjande hjerneskade, og i sjeldne tilfelle til død. Også hos større barn og vaksne kan sjukdomen gi langvarige plager. Sjukdomen er veldig smittsam – nær 100 % fekk sjukdomen før vi begynte å vaksinere.

Poliomyelitt er ein virussjukdom som vanlegvis gir forkjølingssymptom, smerter i kroppen eller magesjuka. Sjukdomen kan gi hjernebetennelse (encefalitt) og kan føre til varige lammingar. Dødsfall skjer. Noreg er i dag polio-fritt, men uvaksinerte personar kan bli smitta under reiser og dermed smitte andre uvaksinerte etter heimkomst.

Om vaksinen

Vaksinen som blir brukt, heiter Boostrix Polio. Han kan hos nokre gi forbigåande raud hud, smerter og heving på stikkstaden. Nokre får lett feber. Meir informasjon om eventuelle biverknader etter Boostrix Polio finst på nettsidene til Statens legemiddelverk: www.legemiddelsok.no

Hugs å informere helsesjukepleiar

Gi beskjed dersom barnet har allergi eller andre helseproblem. Gi også beskjed om barnet har blitt vaksinert mot stivkrampe utanom vaksinasjonsprogrammet det siste året. Det er ikkje skadeleg å få vaksinen sjølv om barnet har hatt ein eller fleire av sjukdomane.

Meir informasjon finst på nettsida <https://www.fhi.no/om-bvp>

Vaksinasjonen er planlagt: Dato: _____ Kl: _____ Stad: _____

Helsesjukepleiar: _____ Telefonnummer: _____

Riv her

Elevens namn : _____ Fødselsdato: _____ Klasse: _____

Eg/vi ønskjer at barnet mitt/vårt: skal vaksinerast mot difteri, tetanus, kikhoste og polio
 ikkje skal vaksinerast mot difteri, tetanus, kikhoste og polio

Føresett med foreldreansvar: Mor Far Annan person

Føresettes fulle namn (skriv tydeleg): _____

Føresettes underskrift: _____ Telefonnummer: _____

Informasjon til helsesjukepleiar: